



სსიპ ფინანსთა სამინისტროს აკადემია

კარტიჯის სახელმწიფო შესყიდვის გამარტივებული ელექტრონული ტენდერის სატენდერო დოკუმენტაცია

სარჩევი

1. ინსტრუქცია ტენდერში მონაწილეთათვის ————— 2 გვ.
2. ტექნიკური დოკუმენტაცია ————— 3 გვ.
3. სახელმწიფო შესყიდვის შესახებ ხელშეკრულების პროექტი ————— 5 გვ.
4. დანართი #1-ფასების ცხრილის ფორმა ————— 10 გვ.
5. რეკვიზიტები დანართი #2 ————— 11 გვ.

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის #9 ბრძანების საფუძველზე.



1. ინსტრუქცია გამარტივებულ ელექტრონულ ტენდერში მონაწილეობის მისაღებად

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების შესაბამისად.

1.2 გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულობა).

1.5 სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ებ)ი.

1.6 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.7 პრეტენდენტს არა აქვს უფლება წარმოადგინოს ალტერნატიული წინადადება.

1.8 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, ქ. თბილისი, გორგასლის ქუჩა №10. საკონტაქტო პირი: ქრისტინე ენუქიძე. ტელ: 2 26 10 26 (1121)



2. ტექნიკური დოკუმენტაცია

2.1 ანგარიშსწორების პირობები:

2.1.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.1.2 ანგარიშსწორება მოხდება უნაღდო ანგარიშსწორებით ლარში.

2.1.3 ანგარიშსწორება მოხდება ფაქტობრივად მიწოდებული საქონლის შესაბამისად, შესაბამისი ანგარიშ-ფაქტურის წარმოდგენიდან და მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.

2.1.4 საავანსო ანგარიშსწორება არ გამოიყენება.

2.2 ხელშეკრულების შესრულების უზრუნველყოფის საბანკო გარანტია: არ გამოიყენება

2.3 შესყიდვის ობიექტის ტექნიკური დავალება:

2.3.1 შესყიდვის ობიექტია დანართი №1-ში მითითებული კარტრიჯები და დოლურები.

2.3.2 მოწოდებული კარტრიჯი და დოლურა უნდა იყოს პირველადი ქარხნული, კარტრიჯები მოთავსებული უნდა იყოს ჟანგბადიან ბალიშში;

2.3.3 კარტრიჯები უნდა იყოს ქარხნულად შეფუთული, გაყალბებისგან დამცავი ჰოლოგრამით. უნდა შეიძლებოდეს მოთხოვნილი კარტრიჯების მინიმუმ ორჯერ დატენვა ბარაზნის აღდგენის გარეშე, გამოშვების თარიღი არაუადრეს 2015 წლისა;

2.3.4 შემოთავაზებული პროდუქცია არ უნდა იყოს ექსპლუატაციაში ნამყოფი და ქარხნულად აღდგენილი;

2.3.5 ყველა პროდუქციაზე უნდა ვრცელდებოდეს გარანტია მიღება-ჩაბარების აქტის გაფორმებიდან არანაკლებ ერთი წელი.

2.3.6 უშუალოდ კარტრიჯებზე დატანილი უნდა იყოს უნივერსალური შტრიხ კოდი, რაც განასხვავებს კარტრიჯებს ერთმანეთისაგან და შესაძლებელი იქნება შესყიდული ნებისმიერი კარტრიჯის გადამოწმება მწარმოებლის ვებ გვერდზე ან ელ. ფოსტით მიღება-ჩაბარების აქტის გაფორმებამდე.

2.3.7 მოწოდებული ორიგინალი კარტრიჯები/ტონერები თავსებადი უნდა იყოს დანართი #1-ში მითითებულ კონკრეტულ პრინტერის აპარატებთან;

2.3.8 ასევე დანართი #1-ში კარტრიჯის სავარაუდო/შესაძლო მოდელები მითითებულია მხოლოდ პირობითი აღნიშვნისათვის და არ უნდა იქნას აღქმული, როგორც რომელიმე მწარმოებლის კონკრეტული მოდელი, არამედ უნდა იქნას აღქმული როგორც „მსგავსი“, ან „ექვივალენტური“;

2.3.9 დანართი N1-ით მოთხოვნილი კარტრიჯების რესურსები 5 % დაფარვით უნდა იყოს; კარტრიჯი CB390 A - მინიმუმ 21 000 გვერდი. დოლურა B CB384 A - მინიმუმ 35 000, დოლურა C CB385 A - მინიმუმ 35000,

2.3.10 დანართი N1-ით მოთხოვნილმა კარტრიჯებმა უნდა უზრუნველყოს 80გრ ქაღალდზე მაღალი ხარისხის ბეჭდვა ყოველგვარი ლაქებისა და ბეჭდვითი წუნის გარეშე.

2.3.11 ქარხნული წუნის შემთხვევაში მიმწოდებელმა შეტყობინების მიღებიდან არაუგვიანეს 5 (ხუთი) სამუშაო დღისა უნდა ჩაანაცვლოს წუნდებული კარტრიჯი, ახალი კარტრიჯით.

2.3.12 თუ საგარანტიო პერიოდის განმავლობაში გამოვლინდება, რომ მოწოდებული საქონლის მიზეზით დაზიანდა შემსყიდველის კუთვნილი საბეჭდო მოწყობილობა, მიმწოდებელი ვალდებულია წერილობითი შეტყობინების მათ შორის ელექტრონულ ფოსტაზე მიღებიდან 5 (ხუთი) სამუშაო დღის განმავლობაში საკუთარი ხარჯებით უზრუნველყოს აღნიშნული მოწყობილობის სრულყოფილად შეკეთება.

2.3.13 შემსყიდველის მოთხოვნის შემთხვევაში წარმოადგინოს შემოთავაზებული ორიგინალი საქონლის ნიმუშები მოთხოვნიდან 3 (სამი) სამუშაო დღის ვადაში. იმ შემთხვევაში თუ წარმოდგენილი ნიმუშები არ აკმაყოფილებს ტექნიკურ მოთხოვნებს, მოხდება პრეტენდენტის დისკვალიფიკაცია.

2.3.14 შემსყიდველის კუთვნილი საბეჭდო მოწყობილობის დაზიანების შემთხვევაში ექსპერტიზის დასკვნის საფუძველზე, თუ დადგინდება, რომ დაზიანება გამოწვეულია მიწოდებული საქონლის მიზეზით და შემსყიდველის კუთვნილი საბეჭდო მოწყობილობა შეკეთებას არ ექვემდებარება, მიმწოდებელი ვალდებულია



შემსყიდველს მიაწოდოს ახალი საბეჭდი მოწყობილობა შემსყიდველის მხრიდან რაიმე დამატებითი ხარჯების გარეშე.

2.4 შესყიდვის ობიექტის მოწოდების ვადები და ადგილი

2.4.1 მოწოდების ვადა: ხელშეკრულების გაფორმებიდან ---20 (ოცი) დღის განმავლობაში.

2.4.2 მოწოდების ადგილი: ქ. თბილისი გორგასლის ქ. N10.

2.5 პრეტენდენტის მიერ სისტემაში ასატვირთი მონაცემები:

2.5.1 ფასების ცხრილი დანართი №1-ის შესაბამისად.

2.5.2 პრეტენდენტმა უნდა წარმოადგინოს რეკვიზიტები დანართი №2-ის მიხედვით;

2.5.3 მწარმოებლის მიერ გაცემული შემსყიდველის მოთხოვნებთან შესაბამისობის დამადასტურებელი ინფორმაცია/დოკუმენტ(ებ)ი ან/და ბმული მწარმოებლის ოფიციალური საიტიდან (ამობეჭდილი და თარგმნილი ქართულ ენაზე); კერძოდ, რომ შემოთავაზებული კარტრიჯები და დოლურები თავსებადია მითითებულ პრინტერებთან და ინფორმაცია შემოთავაზებული კარტრიჯის ბეჭდვის რესურსის შესახებ (მწარმოებლის წერილი ან/და მისაწოდებელი საქონლის პასპორტი);

2.6 დამატებითი მოთხოვნა:

2.6.1 გამარჯვებულმა პრეტენდენტმა ხელშეკრულების გაფორმებამდე უნდა წარმოადგინოს ვაჭრობის შედეგად დაფიქსირებული საბოლოო ფასი (ასეთის არსებობის შემთხვევაში) დანართი №1-ის შესაბამისად;

2.6.2 იმ შემთხვევაში თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, ფასწარმოქმნის ადეკვატურობა უნდა დასაბუთდეს საქართველოს კანონმდებლობით განსაზღვრული უფლებამოსილების/ აკრედიტაციის/სერთიფიკატის მქონე პირის მიერ გაცემული საექსპერტო ან/და აუდიტორული, ან/და საშემფასებლო დასკვნით (პრეტენდენტის მიერ, დასკვნასთან ერთად, ასევე, წარმოდგენილი უნდა იქნას დასკვნის გამცემი პირის შესაბამისი უფლებამოსილების დამადასტურებელი დოკუმენტი); დასკვნის წარმოდგენა უნდა მოხდეს შესაბამისი მოთხოვნის სახელმწიფო შესყიდვების ერთიან ელექტრონულ სისტემაში ატვირთვიდან 10 (ათი) სამუშაო დღის განმავლობაში. ფასწარმოქმნის ადეკვატურობის დასაბუთების წარმოდგენლობა გამოიწვევს პრეტენდენტის დისკვალიფიკაციას.

2.6.3 პრეტენდენტის მიერ წარმოდგენილი სატენდერო წინადადების ღირებულება გაანგარიშებული უნდა იყოს ეროვნულ ვალუტაში ლარში. ხარჯი, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას. სატენდერო წინადადების ფასი სახელმწიფო შესყიდვების ერთიან ელექტრონულ სისტემაში მითითებული უნდა იქნეს დღგ-ს გარეშე (იმის მიუხედავად არის თუ არა პრეტენდენტი დღგ-ს გადამხდელად რეგისტრირებული). გამარჯვებულ პრეტენდენტთან ხელშეკრულების დადებისას შესაბამისი დოკუმენტის წარმოდგენის შემთხვევაში ხელშეკრულების ღირებულებაში დამატებით იქნება გათვალისწინებული დღგ-ს ოდენობა, თუ აღნიშნული პრეტენდენტი სახელმწიფო შესყიდვების შესახებ ხელშეკრულების გაფორმების მომენტისთვის იქნება დღგ - ის გადამხდელი საქართველოს კანონმდებლობის მოთხოვნათა შესაბამისად;

დაფინანსების წყარო - სახელმწიფო ბიუჯეტი

სავარაუდო ღირებულება - 2340 ლარი



3. სახელმწიფო შესყიდვების შესახებ ხელშეკრულების პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

„____“ _____ 2017 წელი

ერთი მხრივ, სსიპ ფინანსთა სამინისტროს აკადემია (შემდგომში „შემსყიდველი“) წარმოდგენილი მისი დირექტორის თამარ ჯაფარიძის სახით და მეორე მხრივ, ----- (შემდგომში „მიმწოდებელი“) წარმოდგენილი მისი დირექტორის ----- სახით, ორივე ერთად წოდებული როგორც „მხარეები“, ვმოქმედებთ რა საქართველოს კანონმდებლობის, მათ შორის „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებულ ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები;
- 1.2 „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.3 „დღე“, „კვირა“, „თვე“ - კალენდარული დღე, კვირა, თვე;
- 1.4 „შემსყიდველი“ - ორგანიზაცია, რომელიც ახორციელებს შესყიდვას;
- 1.5 „მიმწოდებელი“ - პირი, რომელიც ახორციელებს მომსახურების გაწევას ამ ხელშეკრულების ფარგლებში;
- 1.6 „საქონელი“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი;

2. ხელშეკრულების საგანი

2.1 სახელმწიფო ბიუჯეტის სახსრებით პრინტერებისთვის კარტრიჯები/ტონერების და დოლურების სახელმწიფო (კლასიფიკატორის CPV-30100000 კოდი, 30124000, 30125100 ტონერიანი კარტრიჯები) შესყიდვა.

3. ხელშეკრულების მოქმედების ვადა, მოწოდების ვადები და ადგილი

- 3.1 წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2017 წლის 30 ივნისამდე.
- 3.2 მოწოდების ვადა: ხელშეკრულების გაფორმებიდან 20 (ოცი) დღის განმავლობაში.
- 3.3 მოწოდების ადგილი: ქ. თბილისი გორგასლის ქ. N10.

4. ხელშეკრულების ღირებულება

- 4.1 ხელშეკრულების ღირებულება შეადგენს ---- ლარს.
- 4.2 ხელშეკრულების ღირებულება მოიცავს როგორც გასაწევი მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს



კანონმდებლობით გათვალისწინებულ გადასახადებს;

4.3 ფასების ცვლილების შესახებ ამ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლებას.

4.4 წინამდებარე ხელშეკრულების პირობების შეცვლა, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველი ორგანიზაციისათვის გარდა საქართველოს სამოქალაქო კოდექსის 398-ე მუხლით დადგენილი შემთხვევებისა. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

5. მხარეთა ვალდებულებები

5.1. მიმწოდებელი ვალდებულია უზრუნველყოს:

5.1.1. დანართი №1-ში მითითებული პრინტერისათვის კარტრიჯების და დოლურების მიწოდება;

5.1.2. კარტრიჯის და დოლურის მოწოდებისას გაითვალისწინოს შემდეგი:

5.1.5.1 მოწოდებული კარტრიჯები და დოლურები უნდა იყოს პირველადი ქარხნული. კარტრიჯები მოთავსებული უნდა იყოს ქანგბადიან ბალიშიში;

5.1.5.2 დანართი N1-ით მოთხოვნილი საქონელი (კარტრიჯები და დოლურები) უნდა იყოს ქარხნულად შეფუთული, უნდა შეიძლებოდეს მოთხოვნილი კარტრიჯების მინიმუმ ორჯერ დატენვა ბარაზის აღდგენის გარეშე, გამოშვების თარიღი არაუადრეს 2015 წლისა;

5.1.5.3 სატენდერო დოკუმენტაციით მოთხოვნილი საქონელი არ უნდა იყოს ექსპლუატაციაში ნამყოფი და ქარხნულად აღდგენილი;

5.1.5.4 დანართი N1-ით მოთხოვნილმა კარტრიჯებმა უნდა უზრუნველყოს 80 გრ ქაღალდზე მაღალი ხარისხის ბეჭდვა ყოველგვარი ლაქებისა და ბეჭდვითი წუნის გარეშე.

5.1.5.5 ქარხნული წუნის შემთხვევაში მიმწოდებელმა შეტყობინების მიღებიდან არაუგვიანეს 5 (ხუთი) სამუშაო დღისა უნდა ჩაანაცვლოს წუნდებული კარტრიჯი და დოლურა, ახალი კარტრიჯით და დოლურით.

5.1.5.6 თუ საგარანტიო პერიოდის განმავლობაში გამოვლინდება, რომ მოწოდებული საქონლის მიზეზით დაზიანდა შემსყიდველის კუთვნილი საბეჭდო მოწყობილობა, მიმწოდებელი ვალდებულია წერილობითი შეტყობინების მათ შორის ელექტრონულ ფოსტაზე მიღებიდან 5 (ხუთი) სამუშაო დღის განმავლობაში საკუთარი ხარჯებით უზრუნველყოს აღნიშნული მოწყობილობის სრულყოფილად შეკეთება.

5.1.5.7 შემსყიდველის კუთვნილი საბეჭდო მოწყობილობის დაზიანების შემთხვევაში ექსპერტიზის დასკვნის საფუძველზე, თუ დადგინდება, რომ დაზიანება გამოწვეულია მიწოდებული საქონლის მიზეზით და შემსყიდველის კუთვნილი საბეჭდო მოწყობილობა შეკეთებას არ ექვემდებარება, მიმწოდებელი ვალდებულია შემსყიდველს მიაწოდოს ახალი საბეჭდო მოწყობილობა შემსყიდველის მხრიდან რაიმე დამატებითი ხარჯების გარეშე.

5.1.3. განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;

5.1.4. განახორციელოს ამ ხელშეკრულებით მასზე დაკისრებული სხვა ვალდებულებები.

5.2. შემსყიდველი ვალდებულია:

5.2.1 უზრუნველყოს ხელშეკრულების შესრულების კონტროლი;

5.2.2 განახორციელოს ამ ხელშეკრულებით მასზე დაკისრებული სხვა ვალდებულებები.

6. ხარისხი

6.1 მოწოდებული საქონლის ხარისხი უნდა შეესაბამებოდეს ამ სფეროში არსებულ სტანდარტებს;

6.2 ყველა მოწოდებულ პროდუქციაზე უნდა ვრცელდებოდეს გარანტია მიღება-ჩაბარების აქტის გაფორმებიდან არანაკლებ ერთი წელი.

6.3 ქარხნული წუნის შემთხვევაში მიმწოდებელმა შეტყობინების მიღებიდან არაუგვიანეს 5 (ხუთი) სამუშაო დღისა უნდა ჩაანაცვლოს წუნდებული კარტრიჯი და დოლურა, ახალი კარტრიჯით და დოლურით.



6.4 თუ საგარანტიო პერიოდის განმავლობაში გამოვლინდება, რომ მოწოდებული საქონლის მიზეზით დაზიანდა შემსყიდველის კუთვნილი საბეჭდი მოწყობილობა, მიმწოდებელი ვალდებულია წერილობითი შტუპინების მათ შორის ელექტრონულ ფოსტაზე მიღებიდან 5 (ხუთი) სამუშაო დღის განმავლობაში საკუთარი ხარჯებით უზრუნველყოს აღნიშნული მოწყობილობის სრულყოფილად შეკეთება.

7. ხელშეკრულების შესრულების კონტროლი

7.1 შემსყიდველის მიერ ხელშეკრულების შესრულების კონტროლი განხორციელდება პერიოდულად, შემსყიდველის მოთხოვნათა შესაბამისად, მოსახურების გაწევის დროს.

7.2 ხელშეკრულების შესრულების კონტროლს განახორციელებს სსიპ - ფინანსთა სამინისტროს აკადემიის დირექტორის ბრძანებით განსაზღვრული უფლებამოსილი პირი.

7.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნი მოწოდებულ საქონლეში, მიმწოდებელი ვალდებულია შემსყიდველის მიერ წერილობითი დადგენილ ვადებში გამოასწოროს წუნი, ხოლო თუ მიმწოდებელი ვერ შეძლებს წუნის გამოსწორებას და შემსყიდველს უკვე გადახდილი აქვს მოწოდებული საქონლის ღირებულება დაუბრუნოს შემსყიდველს აღნიშნული ღირებულება.

8. მიღება-ჩაბარების წესი

8.1 საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელის მოწერით, კონტროლის განმახორციელები პირ(ებ)ის დადებითი დასკვნის საფუძველზე.

8.2 საქონლის მიღებას აწარმოებს: სსიპ - ფინანსთა სამინისტროს აკადემიის დირექტორის ბრძანებით განსაზღვრული უფლებამოსილი პირი;

9. ანგარიშსწორება

9.1 ანგარიშსწორება განხორციელდება შემდეგი პირობებით:

- ა) ანგარიშსწორების ვალუტა - ლარი;
- ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

9.2 შემსყიდველი იღებს ვალდებულებას გადაუხადოს მიმწოდებელს ფაქტობრივად მიწოდებული საქონლის ღირებულება შესაბამისი ანგარიშ-ფაქტურის წარმოდგენიდან (თუ მიმწოდებელი არ არის დღგ-ეს გადამხდელი, დღგ-ეს არ გადამხდელობის შესახებ შესაბამისი ცნობის წარმოდგენიდან) და მიღება-ჩაბარების აქტის გაფორმებიდან 10 (ათი) სამუშაო დღის განმავლობაში. თუ ანგარიშსწორება უნდა შესრულდეს არასამუშაო დღეს, მაშინ ამ დღის ნაცვლად გამოყენებული უნდა იქნეს მომდევნო სამუშაო დღე.

10. ხელშეკრულების შესრულების შეფერხება

10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-12 მუხლის შესაბამისად.



11. ხელშეკრულების პირობების შეუსრულებლობა

11.1 ხელშეკრულების 3.2 პუნქტით გათვალისწინებული მიწოდების ვადების გადაცილების შემთხვევაში მიმწოდებელს ეკისრება პირგასამტეხლო ყოველ ასეთ დღეზე ხელშეკრულების ღირებულების 0.02%-ის ოდენობით.

11.2 ხელშეკრულების 7.3 პუნქტით გათვალისწინებული წუნის აღმოფხვრისათვის შეტყობინებით დადგენილი ვადის გადაცილების შემთხვევაში ყოველ ვადაგადაცილებულ დღეზე, მიმწოდებელს ეკისრება პირგასამტეხლო წუნდებული საქონლის ღირებულების 0.02%-ის ოდენობით.

11.3 იმ შემთხვევაში, თუ მიმწოდებელზე დავისრებული პირგასამტეხლოს ჯამური თანხა გადააჭარბებს ხელშეკრულების ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

11.4 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

12. ხელშეკრულებაში ცვლილებების შეტანა

12.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.

12.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

13. დავების გადაწყვეტა

13.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

13.2 თუ ასეთი მოლაპარაკების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია, მიმართოს საქართველოს სასამართლოს კანონით დადგენილი წესით.

14. ხელშეკრულების შეწყვეტა

14.1 შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

14.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.

14.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

15. ფორს-მაჟორი

15.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი



გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

15.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი – შემსყიდველს.

18. მხარეთა რეკვიზიტები:

შემსყიდველი

სსიპ - ფინანსთა სამინისტროს აკადემია
წარმოდგენილი დირექტორის თამარ ჯაფარიძის
სახით,
მისამართი: ქ. თბილისი, გორგასლის ქ. №10
საბანკო რეკვიზიტები: სახელმწიფო ხაზინა, ხაზინის
ერთიანი ანგარიში, ხაზინის კოდი TRESGE22, ს/კ
206348987

მიმწოდებელი

დასახელება
ფაქტიური მისამართი:
იურიდიული მისამართი:
ტელ:
ს/კ
საბანკო რეკვიზიტები:

თამარ ჯაფარიძე



დანართი N1

ფასების ცხრილი

პრინტერის დასახელება	კარტრიჯის და დოლურის სავარაუდო მოდელი	კარტრიჯის და დოლურის კონკრეტული მოდელი	მწარმოებელი ქვეყანა, მწარმოებელი ფირმა	რაოდენობა	ერთეულის ფასი	შემოთავაზებული პროდუქციის საგარანტიო პერიოდო	საერთო ღირებულება
1	2	3	4	5	6	7	8
ფერადი პრინტერი HP Color Laserjet CM6040	კარტრიჯი CB390A (შავი)			2			
	დოლურა B CB384A			1			
	დოლურა C CB385 A			2			

(*) პრეტენდენტმა დანართი #1-ში მე-3 და მე-4 გრაფაში უნდა მიუთითოს შემოთავაზებული კარტრიჯების და დოლურების კონკრეტული მოდელი(ებ)ი, მწარმოებელი ქვეყანა, მწარმოებელი ფირმა.

(*) ასევე დანართი #1-ში შემსყიდველის ორგანიზაციის მიერ კარტრიჯების და დოლურების სავარაუდო/შესაძლო მოდელები მითითებულია მხოლოდ პირობითი აღნიშვნისათვის და არ უნდა იქნას აღქმული, როგორც რომელიმე მწარმოებლის კონკრეტული მოდელი, არამედ უნდა იქნას აღქმული როგორც „მსგავსი“, ან „ექვივალენტური“;

(თანამდებობა, სახელი, გვარი)

(ხელმოწერა)



1. რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ბანკის დასახელება:

ბანკის კოდი:

ანგარიშსწორების ანგარიშის ნომერი:

ელექტრონული მისამართი: